

港東港西

香港首見

共享單車五蚊半粒鐘
遊新界畀得起畀得喜



更多內容歡迎掃描二維碼，瀏覽大公網「港東港西」專題

香港土地問題嚴重，想買架單車擺喺屋企，假日踩番轉都成問題，不過以後冇冇怕喇！風行各地嘅智能共享單車終於登陸香港，今日起經過沙田、大埔等新界地區，就可以手機應用程式（App）租用，車租係每半小時五蚊，你畀得起亦畀得喜吧！想去邊就踩去邊之餘，仲可以隨時隨地還車，方便到呢！

本港第一個單車共享系統「gobee.bike」，今日起喺沙田、大埔同埋馬鞍山地區擺放400架智能單車，並逐步增加數目，估計七月暑假前可提供兩萬架，年底時服務範圍覆蓋至香港大部分地區，包括九龍、港島、愉景灣同柏麗灣等。

內置GPS Android用戶早享受

共享單車選用鮮綠色車身，配置吃食物籃、夜行智能燈及防盜警鐘等裝備，仲內置GPS，有助追蹤單車位置。至於單車目前嘅租用方法只限Android電話用戶，用iPhone嘅朋友仲要等多陣。用戶只需安裝App，登記個人信用卡資料同聯絡電話，同時繳付390蚊按金，就可以透過App嘅互動地圖，尋找最近自己嘅單車。搵到單車咯，就要用

手機掃描車身上嘅QR code，解鎖就踩得。交還時，用戶只需要睇尾碼位置幫單車上番鎖，系統就會即時停止計時，兼透過信用卡收取租車費。

車租每半小時五蚊抵唔抵？比新界地區租單車舖頭一般每小時25蚊、日租60蚊起平，但比起內地城市一小時一蚊嘅租金就算「天價」。鄭晴尋日就打探過單車舖口風，有負責人估計生意或多或少都會受影響，但就話共享單車概念未必啱香港人，皆因佢認為用家隨街泊必架車就還車走人，可能覺得阻街，仲話架單車雖然內置GPS，但管理公司好難知道嘅單車嘅實際損耗情況。加之香港雨季驟緊，擔心嘅單車日曬雨淋、日久失修，架車壞咗冇人維修又冇人用，成條街隨時變成「單車墳墓」，影響市容嗚！之不過，gobee.bike策劃經理李淑澄就話，會密切監察單車嘅使用情況，仲話會同警方保持聯絡，收到有違泊投訴，會由警方通知再作處理。

李淑澄



希望同大家推廣單車共享概念
gobee.bike的行政總裁 Raphael Cohen
大公報記者謝進亨攝

本港與內地共享單車租金比較

地方	租金
● 租用單車舖 (香港)	● 時租約\$25, 日租\$60起
● gobee.bike (香港)	● 每半小時\$5- 信用卡按金\$390
● 摩拜 (上海、北京、廣州、深圳、成都、東莞等)	● 每半小時\$0.5至\$1, 按金\$299*
● ofo (北京、上海、杭州、深圳、廣州、成都、廈門等45個城市)	● 每半小時\$0.5至\$1, 按金\$99*

*以人民幣計算

天文台有筍工
\$3.7萬玩facebook

創辦facebook嘅朱克伯格 (Mark Zuckerberg) 就一早已係富豪，但估唔到我哋都可以靠玩facebook賺錢，到底係邊間機構請人玩呢？而家天文台公開請社交媒體主任，每個月收入達37,570元。只要你係大學修讀新聞學、傳理學、創意媒體、市場學、公共關係嘅學位，有五年嘅大型機構負責多媒體、網絡出版及市場推廣、公眾參與項目、新聞傳播、公共關係或企業通訊方面的全職工作經驗，又或者有兩年嘅大型機構負責發展及管理社交媒體平台嘅經驗，就可以申請。

到底有咩做呢？其實就係要設立、發展及管理天文台的社交媒體平台，包括facebook及Instagram，設計、製作、發布社交媒體內容，推廣天文台服務等。不過呢，呢個係非公務員合約，而截止申請日期就係五月二日。有興趣嘅朋友，記得提早申請喇！



▲▲ 尋日元朗非常熱鬧，有好多市民圍觀舞龍舞獅。小朋友都有出力，舞起小獅子
大公報記者何嘉駿攝

熱烈地舞獅 熱烈地唱
祝天后生日快樂

香港舊時捕魚業發達，天后係民間漁民嘅保護神，整個香港有天后廟五、六十間之多，分布喺港島赤柱、香港仔、筲箕灣、九龍油麻地、新界長洲、坪洲等地。尋日適逢一年一度嘅天后寶誕，各區大事慶祝。鄭晴尋日路過元朗，見到幾十隊來自各鄉鎮嘅花炮隊伍，喺區內巡遊，沿途敲鑼打鼓、舞龍舞獅，圍觀嘅市民人山人海，熱鬧非凡。鄭晴有同事係筲箕灣都咁唔撞到有天后誕嘅舞獅表演，現場仲有LED燈柱和噴煙，吸引咗好多街坊睇熱鬧。青年民建聯主席顏汶羽也湊熱鬧，去咗拜下天后娘娘睇下舞獅。佢睇晒隊舞獅唔係係天后廟，而係喺中環海濱摩天地輪下表演，夠晒特別。元朗區議員、工聯會立法會議員陸頌雄就話，香港仲保留咗好多好以天后誕巡遊呢嘅傳統文化，當局應該探索同推廣，又可吸引遊客，帶嚟經濟效益，又可以加深年輕一代嘅文化認同感同民族歸屬感，有文化傳承嘅意義。



▲ 天后係船民同漁民嘅保護神，天后寶誕，各區都有慶祝活動
大公報記者何嘉駿攝

老友記「捉字蟲」 打造香港字型

【大公報訊】記者張月琪報道：深水埗的「埗」、鰂魚涌的「鰂」等香港獨有字體，在電腦呈現，常變成亂碼，20位退休中產長者默默起革命，創造了首個符合香港標準的電腦字型「自由香港字型」，日後在電腦、智能手機可望打出真正的「香港字型」！參與造字計劃的長者稱，自從有智能電話、電腦後，大家經常執筆寫字，忘記了香港中文的構造與寫法，希望造字計劃為社會傳承「香港字」。

造字計劃由香港聖公會麥理浩夫人中心高級服務幹事梁敬文發起，三年前，他見到幼稚園中小學生抄字時，啟發靈感，「小時候學寫中文字，總要一筆一劃，非常清晰，例如寫房屋的「房」字，開首是一點，寫錯就要罰抄，但現時在電話、電腦打出來的「房」字，並非一點為首，小朋友不明白『為何我會錯呢？』」。

筆畫不同 學生無所適從

香港字的寫法原來別具特色，教育局和教育大學制定的《常用中文字形表》，是本港小學及初中課本的中文字形標準。《字形表》研訂始於1984年7月，集多位學者之力編成，收錄4000多個常用中文字的標準字形。梁敬文稱，老師按

《字形表》教書，電腦顯示的卻是另一種寫法，學生與家長均無所適從。告訴的「告」字是另一例子，來自台灣的倉頡輸入法是「竹土口」，但正確寫法應是輸入「竹手口」顯示為「告」，梁敬文解釋：「古代皇帝祭祀時，用牛做祭品，用口向天告。這是象形文字，所以是上牛下口。」他認為，台灣字與香港字並無對錯之分，只是文化各異，而隨著電腦、智能手機日漸普及，本港所用的均是台灣字形軟件，香港文字開始被遺忘。

為了傳承香港字，梁敬文組織一班退休不休的長者，最後成功招募20多位「戰友」參與造字計劃，花了兩年時間，根據《字形表》，創造首個符合香港標準的電腦字「自由香港字型」，至今已製造4700多個字，並提供Android手機應用程式給用家對照。這項目是今年香港資訊及通訊科技獎 (ICT Awards) 「最佳生活時尚(學習、生活)」銅獎，同時亦獲特別嘉許(樂活銀髮)。

今年62歲的鄭國雄 (Martin) 退休前專職鐵工電腦繪圖統籌，2015年退休後，不時參與「生涯規劃」活動，與青年人接觸。他去年參與造字項目，造字過程不時上網查找文字出處與來源，認識了許多平時少用的字詞，形容「一次

過學咗一一生人要學嘅字！」他稱坊間缺乏中文字造字軟件，要將台灣字寫法改為香港中文字，需用造英文字型的軟件，為了摸索軟件使用，一班長者用了近半年時間，研究如何用線條勾畫中文筆畫。他造一個字一般只需十分鐘，但長時間看電腦屏幕，容易疲倦，有時「做下抖下」，兩年至今他造了400個字。


目標創二萬字達電腦標準

梁敬文指造字過程繁瑣，需要逐個字修改，人手需求很大，成本較高，因此一直沒人願意做，退休長者的最大優勢正是有充足時間。他計劃五月前完成造出7000個字，包括加入本港獨有字體



▲ (圖左起) 梁敬文、退休長者阿健以及Martin一同分享造字點滴
大公報記者張月琪攝

，如「埗」、「鰂」及禾筆村的「輦」字等，並增加招募義工，終極目標是創造二萬個香港字，達到電腦字型標準Unicode的要求，讓香港字真正成為電腦字型，就如「新細明體」等，日後不論電腦及香港都可打出「香港字」。



▲ 左為台灣常用寫法，右為「自由香港字型」設計圖片

活字生香 退而不休

【大公報訊】記者張月琪報道：「青年被叫『廢青』，我們退休後百無聊賴，都是『廢老』，我想做點事貢獻社會，為香港中文字做點事。」鄭國雄 (Martin) 一年前加入長者造字團隊，至今造了400多個香港字。他形容，參與造字計劃不僅令生活充實，更證明自己仍有為社會作貢獻的能力。Martin笑言，最初參與項目的時候，以為只是做「宅男」，學會造字軟件，回家默默造字便可。豈料參加後發現，團隊不時出外接觸學生甚至老師，到學校分享如何使用，推廣理念。他認為現時許多長者都願意貢獻社會，他自己亦不甘每天只是「飲早茶、晨運、去旅行」。

曾任職警務處翻譯人員的Jacky表示，自己退休近三年，最初與太太經常出外旅遊，早上飲茶。不過，外遊生活持續半年，開始感覺生活有點苦惱，欠缺精神寄託，健康狀況也比以往差，於是決定找些義工工作，偶然參觀一次退休展覽，接觸了香港聖公會麥理浩夫人中心人員，得知中心有一項目是造香港專用字型，Jacky便去試試。Jacky稱，參與這項義務工作後，最大得益是認識了許多中文字，而且了解到每個字背後的來源、典故，更學會欣賞中文字一筆一畫的「美感」；同時，亦可退而不休，推廣香港字型。

香港聖公會麥理浩夫人中心高級服務幹事梁敬文認為，退休並不等如「無用」，而這群退休長者就憑一己之力，回饋社會、傳承文化。過程中，長者願意花時間投入年輕人認為沉悶的工作，而年輕人則負責支援、軟件工作，項目真正發揮了「長幼共融」。